

# PROGRAMME OF ITEMS

ŌPŌTIKI MAI I TAWHITI 2020

MATAATUA

## PERFORMANCE ITEMS



<b>Waiata Tira</b>	Aroha
<b>Whakaeke</b>	Haere mai rā
<b>Mōteatea</b>	Te Pātere a Te Turuki
<b>Poi</b>	Iarararararī
<b>Waiata ā ringa</b>	Taku Mana Māori Motuhake
<b>Haka</b>	Waiwharangi
<b>Whakawātea</b>	Āio

# Ōpōtiki Mai i Tawhiti 2020

## Aroha

### Waiata Tira

KUPU	JUDGES COMMENTS
<p>Ko tā Ihowa, ko tā tōu Atua e whiriwhiri ai, Ko ia anake tāu e mea ai hei kīngi mōu, Ko tētahi o ōu tuākana tāu e mea ai hei kīngi mōu., E kore e āhei kia meatia e koe hei kīngi mōu te tangata iwi kē, Ehara nei i te tuakana nōu.<sup>1</sup> Kīngi Tūheitia</p> <p>E manawanui ana te aroha, E ātawhai ana, E kore te aroha e hae, E kore te aroha e whakahī, E kore te whakapehapeha, Kāhore ōna tikanga whanoke. E kore e rapu i āna ake, E kore e riri wawe, E kore e whakairi kino, E kore e hari ki te hē, Engari ka hari tahi ki te pono. E whakamanawanui ana ki ngā mea katoa, E whakaaro pai ana ki ngā mea katoa, E kore te aroha e taka e. Nā tēnei anō te mau nei te whakapono, Te tūmanako me te aroha. Ēnei mea e toru ko te mea nui rawa ko te aroha,<sup>2</sup> Kīngi Tūheitia, aroha, aroha. Kīngi Tūheitia, aroha, Kīngi Tuheitia, aroha, aroha.</p>	
<b>WHAKAMARAMA</b>	
He waiata tēnei i titoa mō Kīngi Tūheitia Pōtatau Te Wherowhero VII. Ko ngā kupu o te waiata tira i tangohia mai i te Te Paipera Tapu i te Pukapuka a Tiuteronomi me te Pukapuka a Paora. Ko ngā kupu o te	

<sup>1</sup> Ko ngā kupu mai i te Paipera Tapu i tū ai Te Kīngitanga.

<sup>2</sup> Ko ngā kupu ēnei mai i Te Waiata a Paora he karakia tēnei nā Te Hāhi Ringatū nā Te Kooti i whakakaupapa.

wāhanga tuatahi i tangohia mai i te Pukapuka a Tiuteronomi 17:15; he kupu tēnei i ārahi i te iwi Māori ki te whakatū kīngi i te tīmatatanga o Te Kīngitanga 1858. Ko ngā kupu o te wāhanga tuarua i tangohia mai i Te Waiata a Paora a Te Hāhi Ringatū he mea tito e Te Kooti nō roto mai i te Pukapuka a Paora. Ka whakapuaki i te ātaahua o tēnei mea te aroha me te whakaatu kāore he kino ōna, ō te aroha. Ko te aronga o te waiata nei ko Kīngi Tūheitia Pōtatau Te Wherowhero VII, te take he nui ngā kupu tāwai, whakatakē i tō tātou kīngi Māori nā tātou te iwi Māori tonu. He kaha te iwi Māori ki te whiuwhiu kupu hahani ki a Kīngi Tūheitia o roto i ngā tau me nāiane tonu. He kīngi hūmaria, he kīngi whakaiti i a ia tonu, he kīngi aroha ki te tangata ahakoa ko wai, ahakoa nō hea. Koia te pou o te Kotahitanga, te tumu herenga waka. Nāku, nā Te Kahautu tēnei waiata, te take nō roto mai ahau i te Tekau mā Rua a Te Kīngi, ko tā te Tekau mā Rua he whakaāhuru i te kīngi i roto i te āio, i roto i te hūneinei. Ko ngā kupu a Paora he whakaatu i te whakapapa o Te Hāhi Ringatū ki Te Kīngitanga i roto i ōna 150 tau o Te Hāhi Ringatū, taka iho ki taku tamaiti te mokopuna a te motu, ko Hikairo.

## TITONGA WAIATA HOU

<b>Original Composition</b>	Aroha
<b>Musical Score Composed By</b>	Raharuha Mitai, Thomas Mitai, Renee Mitai
<b>Lyrics Composed By</b>	Te Kaahautu Maxwell
<b>Date Item Composed</b>	15 Hūrae 2018